

NAJAVLJUJEMO: KONCERT DIVANHANE U KC CAZIN

Autor Irma Alićajić
Četvrtak, 14. Juli 2016 12:46 -

U sklopu promocije svog novog albuma „Zukva“, sarajevski bend „Divanhana“ je krenuo u „osvajanje“ publike na USK. Tako će po drugi put i publika u Cazinu imati priliku uživati u izvedbama ove jedinstvene muzičke postavke.

Koncert će se održati u četvrtak, 11.08.2016. godine, sa početkom u 20:00 h, u prostorijama Kulturnog centra Cazin.



„Divanhana“ je bosanskohercegovački bend koji izvodi tradicionalnu muziku u novim aranžmanima koji su nastali kao rezultat fuzije jazz, pop i klasične muzike 20. stoljeća.

Bend je osnovala grupa mladih studenata na Muzičkoj Akademiji u Sarajevu početkom 2009. godine, a bend danas čine: Naida Ćatić, Neven Tunjić, Nedžad Mušović, Azur Imamović, Rifet Čamdžić i Irfan Tahirović.

Ulaznice za koncert su već u prodaji, po cijeni od 10,00 KM, a mogu se kupiti u prostorijama Kulturnog centra Cazin, svakim radnim danom.